



Le Signur é mia löm y mia salveza. (Salm 17)

La ploania d'La Pli á tut comié da **Hermann Ploner** (+ 24.12.2019, 80 agn) y ti fej les condolanzas ai familiars por la mort dal om, pere, nene y fre. La vita eterna dáí, Signur, y confortele con to lominus!

- **Acompagnadús dai Trei Resc:** al ven cherí porsones por mené y accompagné en **jöbia ai 2 de iener** (döt le de o ince ma mez le de) i Trei Resc fora por nostes ciases. Chi co se metess a desposiziun é bel peries da contaté maestra Brigitte.
- **Aodanzes - enformaziun:** al ven endô recordé ch'i metun sön plata de ploania les aodanzes a chi co complesc i **75 agn** y spo düc **dai 80 agn ensö**. I ennom y les dates tolunse fora dal liber dal Bato (eniann i nasciüs dal 1945). I periun endô der bel da s'al dí sc'i ciafeis fai o mancianzas y ince da s'al lascé alessei sce zacai n'ô nia, por söa privacy, che so compliann vegni publiché.
- **Teater d'La Pli:** l'Uniun Teater ten söa **sontada generala** en domegna, **ai 5 de iener** ales 19:30 te Ciasa dles Uniuns. Düc chi co á enteres da gní pa la uniun é bel enviés.
- **Batadú:** le Consei de Formaziun La Pli envieia düc der bel al tradizional **batadú de Santabogna, ai 6 de iener**, ales 14:30 (do espi) jö Sotrú.



enformaziuns y termins

“**Diözesane Pilgerfahrten 2020**”: sön plates a pert ciafeise le program dai iadi por sanc dla diozeja. La brosciüra con dötes les enformaziuns pón descarié jö da <https://www.bz-bx.net/de/pilgerbuero.html>

Sessiun forestala: la staziun dai Verdabosc d'Al Plan lascia alessei che la sessiun forestala por l'ann 2020 gnará tignida por döt le Comune de Mareo, en vendres ai 10 de iener ales 20:00 tla ostaria Sotrú a La Pli. Pa les tematches atuales dal setur dai bosc, munts y economia da munt y dai laurs fac y preodüs por le 2020, gnará ince baié dles intemperies “Vaia”, dles rogossies de cösc altonn y dles mosöres de proteziun co sará da tó. Düc i interessés é der bel inviés.

Le Signur te benedesci y ciari de te. Le Signur lasci lominé so müs sora te y te dáí söa grazia. Le Signur te ciari con bunté y te scinchi salveza.

Numeri 6, 24–26

A düc canc en Bun Ann de benedisciun, sanité y fortüna!

Döt le bun a:	Irma Rubatscher Feichter, <i>La Ila</i>	* 29.12.1939
	Anna Maria Erlacher	* 30.12.1935
	Albert Willeit, <i>Ansele</i>	* 01.01.1940
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploan: **Signor Klaus Sottsas**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MhZ**



La familia sot ala proteziun de Dio

Sir 3, 2–6.12–14 | Col 3, 12–21 | Mt 2, 13–15.19–23

Dal Vangelo do San Mateo:

¹³Canche i stüdiés dles steres s'an ea indö jüs, ti él comparí a Ojep tal som n angelo dal Signur y á dit: Lea sö, tól le möt y söa oma y sciampa tal Egit; romagn danló cina ch'i ne comani val' d'ater; deache Eródes chiriará le möt por le copé. ¹⁴Sön chera é Ojep loé sö de net y s'an é sciampé con le möt y söa oma tal Egit. ¹⁵Danló él romagnü cina che Eródes ne é mort. Deach'al dea s'ademplí ci che le Signur á dit tres le profet: Fora dal Egit ái cherdé mio Fi. ¹⁹Do che Eródes ea mort, ti él comparí a Ojep n angelo dal Signur tal som ²⁰y á dit: Lea sö, tól le möt y söa oma, y va tla tera de Ísrael; ciodiche chi, co ti sighthá ala vita dal möt, é morc. ²¹Danló él loé sö y é jü con le möt y söa oma tla tera de Ísrael. ²²Do ch'al â endere aldí, che tla ludea regnâl Archeláus empede so pere Eródes, se temêl da jí danló, y deach'al â ciafé tal som na racomanaziun, él jü tal raiun dla Galilea ²³y s'á lascé jö te na ciüté dal ennom de Názaret. Deach'al dea s'ademplí ci co é gnü dit tres i profec: El gnará nominé Nazarenn.

Oraziun dal de

Periun! Signur, nosc Dio, tla Santa Familia nes aste scinché n ejempl lominus: dáí a nostes families la grazia de vire tal timur de Dio y da sté liades adöm tal amur, ch'i rounse deboriada tla comunité eterna te töa ciasa. Por nosc Signur Gejú Crist, to Fi, co é Dio y vir y regneia con te t'l'unité dal Spirit Sant por düc i secui dai secui. – Amen

(Lezionar A)



Letöres dla Secunda domegna do Nadé:

Sir 24, 1–4.8–12 | Ef 1, 3–6.15–18 | Jan 1, 1–18

Edema liturgica dai 29.12. ai 05.01.2020

DOM 29.	FESTA DLA SANTA FAMILIA <i>Davide, Tomesc Becket, Tamar</i>
08:30	gran messa por dōta la ploania <i>oferta por la ploania</i>
→	2 ^a s.m. de sopoltōra por † Hermann Ploner y corona dla comunité
10 y 18	s.m. a Al Plan
Lön 30.	6° de d'otava da Nadé <i>Felix I., Richard</i>
18:00	s.m. a Al Plan
Ded 31.	7° de d'otava da Nadé <i>Silvester, Melanie, Alan</i>
→ 19:30	s.m. de rengraziamont en onú de Santa Maria dal Bun Consei y dai Angeli Custodi
	s.m. en onú de San Salvester <i>♪ grup de tlarinec</i>
	s.m. por † Jep Palfrader, Mone
Dem 01.	OTAVA DE NADÉ - GRAN FESTA DE SANTA MARIA OMA DE DIO - Nanü, De mondial dla pêsc, Wilhelm
→ 00:00	la grana sona ete l'ann nō
08:30	gran messa ciantada por dōta la ploania
	s.m. en onú de Santa Maria dal Bun Consei
	♪ Charles Gounod, "Missa brevis in C"
Jöb 02.	<i>Basile le Gran y Gregor da Nazianz, Mariana - de d'oraziun do vocaziuns</i>
→ 08:00	s.m. por † Genoveffa Ellemunter ved. Rigo, Matlogn
	s.m. por † Maria Maneschg ved. Comploi, Mōra
	s.m. por †† Albert y Marianna Willeit, Plazores
→	al ven mené fora i Trei Resc 20 C + M + B 20
Ven 03.	<i>pröm vendres - Sant'Ennom de Gejú, Genofefa</i>
	signor ploan va a proveder
→ 19:30	corona por perié do vocaziuns y devoziun al Sacher Cör
Sab 04.	<i>Angela da Foligno, Angelica, Roger</i>
18:00	s.m. prefestia a Al Plan
19:30	s.m. prefestia por † Angelo Ellecosta, La Costa
	s.m. por †† dal Flô
	s.m. por †† Andrea, Anna y Frieda Ritsch, Tómele da Rara
DOM 05.	Secunda domegna do Nadé <i>Milia, Emiliana, Emilie</i>
08:30	gran messa por dōta la ploania con benedisciun dal ega y dal se
	3 ^a s.m. de sopoltōra por † Hermann Ploner, Corterei
10 y 18	s.m. a Al Plan
<i>ampola:</i>	por †† signor Matio Rigo y signor Franz Agreiter
<i>ministronc:</i>	• da doman y domegna: Jacklyn y Rosina • da sera y domegna: Johanna y Nadia T.
<i>i recordun:</i>	Jep Morlang, Al Plan + 30.12.2013 Thekla Baldissera ved. Oberbacher, Al Plan + 31.12.2009



Admirabile signum – Le segno amirabl dla cripele

Encō festa dla Sacra Familia liunse val ponsiers de Papa Francesco sora la cripele dla Lettera apostolica "Admirabile signum" sul significato e il valore del presepe



Rapresenté l'avenimont dal Nadé de Gejú é le medemo co encündé le mister d'Encarnaziun dal Fi de Dio con semplicité y ligreza. La cripele é desco n vangelo vi, na Sacra Scritōra daverta ... dertan ch'i contemplun la scena da Nadé sunse enviés a se meter spiritualmonter sōle iade, cherdés dal'umilté de Chel co é gnü porsona por encunté vigne porsona. [...]

Meter sō la cripele te nostes ciasces nes deida vire da nō la storia co é sozedüda a Bétlehem. Samben romagn i Vangeli la fontana co nes fej conesce y medité chel avenimont, empó nes deida sōa rapresentaziun tla cripele a se enmaginé les scenes, a endespré sentimonc y ara nes envieia a se sontí trac ete tla storia dla salveza. [...]

Le Papa scrí spo riflisciuns sōles figōres y l'ater ch'i metun sōn la cripele, p.ej.

Biesces, bo y müsc: I án fat sō la cripele con crep, rüs, plantes, jont y tiers. "Ensciö se recordunse – desche i profec á empormotü – che dōta la creaziun tól pert ala festa dal avent dal Messia."

Agneli y stera: "I angeli y la stera significhieia ch'i sun ince nos enviés da jí tla grotta a adoré le Signur".

Fameis: "Gnide, i jun a Betlehem a odei l'avenimont che le Signur nes á lascé alessei," se dijea i fameis do l'encündada dai angeli. Döt atramonter co trepa jont co á tal ce mile d'atres cosses, ven i fameis i pröms testemoni de ci co é le plü essenzial, dla scincunda dla salveza."

D'atres figōres: "Les figōres y i motifs co arichesc la contrada mo co ne ven nia dant tal vangelo significhieia che tal monn renové da Gejú é l'erch por dōta la jont y por vigne creatōra.

Maria: "Maria é na oma co ti ciara a so viadú y co ti al mostra a chi co ven a le chirí. ... I odun te era la Oma de Dio, co ne se tin so fi nia por se, mo co envieia dūc da ti jí do a sōa parora y da la meter en pratica."

Ojep: "Ojep é le protetor co ne se stancia nia da ciaré de sōa familia. Ojep porta te so cör le gran mister de Maria, sōa nücia, y de so fi. Desco el iüst s'ál dagnora sorandé ala orenté de Dio y á vit aladō."

Le Bambin Gejú: "Canch'i metun ete da Nadé la figōra dal Picio Bambin, é l'cör dla cripele che met man da bate. Chelbeldio se manifesteia te n pice mōt, por se lascé tó da nos tai brac. Tla debleza y tla fragilité ascognel sōa forza co cherieia y co trasformeia döt. Al pō che cōsc ne sii nia poscibl, mo ara é insciö. Te Gejú ea Chelbeldio n bambin y te cōsta creatōra orêl manifesté la grandeza de so amur, co se mostra tal müs co s'la rí dal viadú co nes ten ca a vignōnn sōes mans."